

ԳՐԻԳՈՐ ՏԵՐ-ՄԵԼՔԻՍԵԴԵԿԵԿՅԱՆԻ ՆԱՐՈՂՆԻԿԱԿԱՆ
ՀԱՅԱՑՔՆԵՐԻ ՀԱՐՑԻ ՇՈՒՐՋԸ

Հ. Հ. ՂԵՎՈՆԳՅԱՆ

XIX դարի 70—80-ական թթ. հայ հասարակական-քաղաքական մտքի պատմության մեջ իր ուրույն տեղն ունի Գրիգոր Տեր-Մելքիսեդեկյանը:

Տեր-Մելքիսեդեկյանը (1848—1882) ծնվել է Շուշիում, քահանայի ընտանիքում: Վաղ հասակում զրկվելով ծնողներից, նա մնացել է մեծ եղբոր խնամքին: Սկզբնական կրթությունը ստացել է տեղի ծխական դպրոցում: Պատանեկան տարիներին արդեն, նա, ինչպես հիշում են իր ընկերները, երազում էր պայքարել տերտերների, աղաների, մելիքների դեմ¹:

1862 թ. Գրիգորն ընդունվում է Թիֆլիսի Ներսիսյան դպրոցը, ուր և դըրսևորվում են նրա փայլուն ընդունակությունները, հատկապես լեզուների յուրացման բնագավառում (տիրապետում է ֆրանսերենին և ռուսերենին): Ժամանակակիցների վկայությամբ նա շատ էր կարդում, հատկապես անլեզալ գրականություն. «Նրա պատանի ղլխում պտտվում էին Նազարյանի, Գերցենի, Նալբանդյանի գաղափարները»²:

Գ. Մելքիսեդեկյանը դառնում է ներսիսյանցիների խռովության կազմակերպիչներից մեկը, որի համար հեռացվում է դպրոցից:

Չնայած բազմաթիվ խոչընդոտներին, Տեր-Մելքիսեդեկյանը 1868 թ. այնուամենայնիվ ավարտում է Ներսիսյան դպրոցը, իսկ 1870 թ. էքստերն քննություն է հանձնում նաև Թիֆլիսի արքունական գիմնազիայում և ստանում ատեստատ³: Նույն թվականին էլ, ոգեշնչված «դեպի ժողովուրդը» նարողնիկական կոչով, մեկնում է գյուղ և որպես ուսուցիչ աշխատում է Ելիզավետպոլի նահանգի Փիբ, Բանանց, Խաչկապ ու այլ գյուղերում, իսկ 1876—1879 թթ.՝ Շուշիում: Կյանքի վերջին տարիներին ապրում էր Թիֆլիսում, որտեղ հրատարակում էր «Աշխատանք» շաբաթաթերթը:

Տեր-Մելքիսեդեկյանը թողել է ուշագրավ գրական ժառանգություն: Առանձնակի հետաքրքրություն են ներկայացնում նրա հրապարակախոսական գործերը: 1874 թ. Թիֆլիսում տպագրվել է «Մի համառոտ հայացք XIX դարի հայ հոգևորականության վրա» բրոշյուրը: 1876 թ. Գանձակում հրապարակվում է «Ազգային հարցի մասին» հոդվածը, որը Ելիզավետպոլի նահանգի Թարգմանչաց վանքի գավթում նրա արտասանած ճառն էր: 1878 թ. տպագրվել է «Մեր Կովկասի հիմնկվա լրագրերը» կամ «Թուղ միտք» քննադատական գրքույկը երեք լեզուներով՝ հայերեն, ռուսերեն և ֆրանսերեն: Գ. Մելքիսեդեկյանի քաղաքական կրեդոն շարադրված է «Նվիր քյասիբ գնդըցիներին» հրապարակային դասախոսության մեջ, որն առանձին գրքույկով

¹ Տե՛ս Եղիշե Զարենցի անվան գրականության և արվեստի թանգարան (այսուհետև՝ ԳԱԹ), Վ. Միրաքյանի ֆոնդ, գ. 180, էջ 28—29:

² Նույն տեղում, էջ 33:

³ Նույն տեղում, էջ 52:

լույս տեսավ 1879 թ. Թիֆլիսում: 1879—1882 թթ. նա հրատարակում էր երկ-
յեզվյան «Աշխատանք—Труд» գրական-քաղաքական շաբաթաթերթը⁴: Միաժա-
մանակ թղթակցել է «Кавказ», «Обзор», «Մեղու Հայաստանի» թերթերին և
«Արարատ» ամսագրին, ղեկավարել թարգմանություններ, գրել ժան Ժակ Ռուսսո-
յի, Ի. Դ. Պեստալոցիի մանկավարժական հայացքների մասին:

Գ. Տեր-Մելքիսեդեկյանի կյանքը և հասարակական-քաղաքական գոր-
ծունեությունը դեռևս չեն դարձել հատուկ ուսումնասիրության առարկա, բայց
տարբեր առիթներով պատմատնտեսագիտական և գրականագիտական որոշ
աշխատություններում խոսվել է նրա մասին, իրարամերժ կարծիքներ են
հայտնվել նրա աշխարհայացքի վերաբերյալ⁵:

Ս. Զուրաբյանը Գ. Տեր-Մելքիսեդեկյանին համարել է հասարակական-
տնտեսագիտական մտքի դեմոկրատական ուղղության ներկայացուցիչ և Մ.
Նալբանդյանի հետևորդ⁶, Կ. Դանիելյանը նրան բնութագրել է իբրև նարոդնիկ-
լուսավորիչ, իսկ «Նվեր քյասիբ գեղըցիներին» գրքույկը համարել է «մատե-
նախոսություն, որը լավագույնս ներկայացնում է 70-ական թվականների
կովկասահայ նարոդնիկության գաղափարական կողմնորոշումների ու տրն-
տեսական ծրագրերի բնույթը»⁷: Վ. Ավետիսյանը մերժում է Տեր-Մելքիսե-
դեկյանին տրված վերոհիշյալ գնահատականը. «Դ. Տեր-Մելքիսեդեկյանը
ոչ թե անցնում է «աշխատավորական դասակարգային դիրքերի պաշտպանու-
թյանը», այլ ըստ էության կապիտալիստական շահագործողների դիրքերի
պաշտպանությանը: Եվ ոչ մի հիմք չկա նրան դեմոկրատ, առավել ևս հեղա-
փոխական-դեմոկրատ Նալբանդյանի հետևորդ հայտարարելու»⁸:

Գ. Տեր-Մելքիսեդեկյանի գաղափարական դիմագծի ճիշտ բնորոշման
համար հետաքրքիր տեղեկություններ են հայտնում նրա ընկերներն ու աշա-
կերտները: Այդ հուշերը հավաքել, խնամքով գրի է առել Մելքիսեդեկյանի
երախտագետ սան, բանաստեղծ Վահան Միրաքյանը⁹: Տեր-Մելքիսեդեկյանի
ընկերներից Նիկողայոս Մատինյանը գրել է. «Գրիգորը եղակի մարդ էր այն
ժամանակ: Մայրահեղ դեմոկրատ էր, պայքարող, շուներ իր շրջանը, մե-
նակ էր աշխատում, հրատարակում էր հայերեն, ռուսերեն շաբաթաթերթ
«Աշխատանք—Труд» անունով, որը դժվարությամբ էր լույս ընծայում չքա-
վորության պատճառով... նրա թերթը նվիրված էր շահագործվող բանվոր-
ների, գյուղացիների կարիքներին, քաղաքական և դպրոցական հարցերին:

4 «Աշխատանք—Труд» շաբաթաթերթի բոլոր համարները (բացի № 6-ից) վերջերս հայտ-
նաբերվել են չեխերադում, Սալտիկով-Շչեդրինի անվան գրադարանում:

5 Տե՛ս Գ. Ղառաքյան, Անցյալի հիշողություններից, Թիֆլիս, 1918: Վ. Միրաք-
յան, Հուշեր Տեր-Մելքիսեդեկյանի կյանքի և գործունեության մասին, գրված 1934—1938 թթ.
(ԳԱԹ, Վ. Միրաքյանի ֆոնդ, գ. 180—183): Մ. Նեբուխյան, Նարոդնիկական խմբակ-
ներն Անդրկովկասում, Երևան, 1940: Վ. Պարսամյան, Հայ ազատագրական շարժման
պատմությունից, Երևան, 1958: Ս. Զուրաբյան, Հայ տնտեսագիտական մտքի զարգաց-
ման ուղիագծերը, Երևան, 1959: Կ. Դանիելյան, Հայ գյուղագրությունը XIX դարում,
Երևան, 1973: Վ. Ավետիսյան, Հայ հասարակական մտքի զարգացման մարքս-լենին-
յան սկզբնավորումը, Երևան, 1976:

6 Ս. Զուրաբյան, նշվ. աշխ., էջ 392—405:

7 Կ. Դանիելյան, նշվ. աշխ., էջ 127:

8 Վ. Ավետիսյան, նշվ. աշխ., էջ 138:

9 Տե՛ս ԳԱԹ, Վ. Միրաքյանի ֆոնդ, գ. 180 և 183:

Բողոքող և մարտնչող աննկուն ողի ունեւր. Գրիգորը ծանոթ է եղել Պ. Ա. Կրոպոտկինի հետ, ունեցել է նամակագրութիւն»¹⁰:

Մելիքսեղեկյանի մյուս բնկերը՝ Արշակ Նասիրյանը, վկայում է, որ նա կարգում էր զրբեր ֆրանսիական հեղափոխութեան, Փարիզի Կոմունայի մասին, Դիգրո, Դալամբեր, Պրուդոն¹¹: Գրիգոր Զորանյանը գրել է. «Այդ մարդը իսկական սոցիալիստ է»¹²: Վ. Միրաքյանի վկայութեամբ Տեր-Մելիքսեղեկյանի դեմ կազմակերպւած հալածանքը ընդունել է ծայրահեղ շափեր, «որովհետեւ նա պայքարում էր շահագործողների դեմ՝ պաշտպանելով աշխատավոր մարդկանց: Նա ստանում էր հեղափոխական թռուցիկներ, որոնք կարգում էր ծածուկ, մոռիկ աշակերտների հետ՝ հեղափոխական մտքեր տարածելով երիտասարդութեան մեջ: Նրա աշխարհայացքը զուտ հեղափոխական է: Նա հավատում և հետևում էր Նալբանդյանին»¹³:

Ինչպես նշվեց, Տեր-Մելիքսեղեկյանը, արձագանքելով «ղեւի ժողովուրդը» ուսումնարանների կոչին, 1870 թ. մեկնել է գյուղ, «մղվել անօղնական դյուղական դասը»:

Իհարկէ, տարատեսակ էին 70-ական թթ. ղեւի ժողովուրդը զնայող մրտավորականութեան ծրագրերն ու ակնկալութիւնները: Գյուղ զնայողների մեջ կային մարդիկ, որոնք հուսախաբւում և հեռանում էին ասպարեզից: Իսկ մի մասը գյուղում ծավալում էր միայն խաղաղ կուտ-լուսավորական աշխատանք: Ծակայն նրանց մեջ կային նաև հեղափոխական տրամադրութիւն ունեցող մարդիկ, որոնք կապւում էին գյուղի հետ, անձնազոհ պայքարում նրա փրկութեան համար: Արխիվային նյութերի ուսումնասիրութեանից պարզւում է, որ Գ. Տեր-Մելիքսեղեկյանը իր երեք աշակերտների՝ Ասատուր Նալբանդյանի, Անաստաս Արզումանյանի և Թովմաս Կոնջոսյանի հետ շահագործողների դեմ «գյուղացու փակ աշխրը բանալու» նպատակով եղել է Անդրերկրկասի մի շարք գյուղերում: Ռուսական Պրիվոյնոյէ գյուղում նա մնացել է երէւ ամիս¹⁴: Գյուղացու նկատմամբ ունեցած կարեկցանքը և ժողովրդասիրութիւնը նարոդնիկութեան բնորոշ գիծն է: Տեր-Մելիքսեղեկյանը նույնպէս կարեկցանքով էր լցւած ղեւի բնչադուրկ գյուղացիները, նրանց երեխաները ձրի կրթութիւն էին ստանում Մելիքսեղեկյանի մոտ: Իր ստացած ողջ աշխատավարձը նա ծախսում էր չքավոր գյուղացիների երեխաների կարիքները հոգալու համար: «Ռուսումնարանի բոլոր արդշունքը մսխելով խեղճ գյուղացիների որդոց կոշիկների և զրբերի վրա, ես հագիւ ասորում էի խրնդրագորութիւններով ու բողոքագրութիւններով», — գրում էր նա¹⁵:

Ժամանակակիցները տվել են Տեր-Մելիքսեղեկյանի պրոպագանդիստական աշխատանքի պատկերը: Ճիշտ չէր սպասում, որ ռանչպարը կամ արհեստավորը, գյուղացիք դան իր մոտ, ինքն էր նկատում նրանց մեջ: Ծարտառանի լիզու ունեւր, խոսելիս կրակ էր կտրում: Զրույցը ավարտելուց՝ հետո պ. Գրիգորը երգում էր խիստ սրտառու ձևով «Աղատն աստված» արգելված բանաստեղծութիւնը, իբրև երկրպագուն Միք. Նալբանդյանի»¹⁶:

¹⁰ Նույն տեղում, գ. 183, էջ 169:

¹¹ Տե՛ս նույն տեղում, էջ 225—230:

¹² Նույն տեղում:

¹³ Նույն տեղում, էջ 118:

¹⁴ Նույն տեղում, գ. 180:

¹⁵ Գ. Տեր-Մելիքսեղեկյան, Նվեր բյասիր գեղըցիներին, Թիֆլիս, 1879, էջ 2—3:

¹⁶ ԳԱԹ, Վ. Միրաքյանի ֆոնդ, գ. 180, էջ 61:

Տեր-Մկրտիսեղեկյանը ժողովրդի բարեկեցության կարևոր ուղին համարում էր երկրագործությունը, հողն ու համայնքը: «Ժողովրդի մեջ կյանքը հանգած չէ, եթե ունի հողային արդյունաբերություն և մշակված արդյունաբերություն», — գրում էր նա¹⁷: Դյուղական-համայնական կյանքի մեջ էր նա տեսնում գյուղացու բարօրության երաշխիքը: Պրոպագանդիստի համայնական կյանքի առավելությունները և ցույց տալով կապիտալիզմի կործանիչ դերը գյուղացու կյանքում, նա գրում էր. «Մտենքիցս զցենք մեր մասնավոր անբավականությունը, մեր մասնավոր շահերը և սերտ կերպով միանանք ընդհանուրի (բոլորի) շահը առաջ տանելուն աննախանձ կերպով»¹⁸: Ժխտելով սեփականությունը, նա հավատում էր զալիք լուսավոր ապագային. «Կգա ժամանակ փող գոյություն չի ունենա, աշխատանքը կհամայնանա, կմիասնեղվեն քաղաքային և գյուղական ամբարները, որտեղից կստանան իրենց պարենը, իմ ու քո չի լինի: Ուսումը կլինի ամենքի համար պարտադիր, աշխատանքը կլինի ութամյա»¹⁹:

Տեր-Մկրտիսեղեկյանը գտնում էր, որ միայն ընդհանուր երջանկությունը կարող է ուրախություն բերել անհատին:

Եթե ռուս նարոդնիկները ազդարարում էին, թե կապիտալիզմը ռեզրես է, չարիք գյուղացու կյանքում, ապա Մկրտիսեղեկյանը, ոգևորված այդ գաղափարներով, մերկացնում էր կապիտալիզմի կատարած ավերածությունները, ցույց տալով գյուղացու աղքատացումը, դրամի ավերիչ դերը, խարազանում գյուղական ցեղերին: Նրա խոսքի ներգործության մասին ահա ինչ են գրում ժամանակակիցները. «Գրիգորին լսելիս աշխատավոր գյուղացիք ասում էին. «Խալիսի մեջ մեծ ուժ կա, նա մի օր պետք է իր զոռը նշանց տա, պետք է գեղակեր ցեղերի կապը քաշելու համար մի խոսքի կանգնենք ու պահանջենք, ինչ պրիստավ, ինչ դիվանաբեկ...»²⁰:

Հետևելով ռուս հեղափոխական նարոդնիկական շարժման ավանդույթներին, Տեր-Մկրտիսեղեկյանը իր հրապարակախոսությամբ ոչ միայն վեր է հանել կապիտալիզմի բացասական կողմերը, դրամի ավերիչ դերը գյուղացու կյանքում, տվել գյուղական ցեղերի ճշմարտացի պատկերը, այլև ցույց է տվել նրանց դեմ ուղղված պայքարի անհրաժեշտությունը: Նրան թվում էր, թե մերկացնելով գյուղական վաշխառուներին, կուլակներին, հոգևորականությունը, հնարավոր է կանխել կուլակության առաջացման պրոցեսը մտափորականության, նրա փրկարար առաքելության շնորհիվ: Տեր-Մկրտիսեղեկյանի այդ բաղձանքները դրսևորվել են նրա «Նվեր քյասիբ գեղըցիներին» պրոուշկում, որը գրված է լավրոլյան պրոպագանդիստական կոչի ոգով: Այդ կոչն ուղղված էր գյուղ մեկնող նարոդնիկներին 1874 թ. և կրում էր «Ինչի մասին և ինչպես պետք է հեղափոխական պրոպագանդիստը խոսի ժողովրդի հետ» խորագիրը: Այնտեղ մասնավորապես ասված է. «Դուք ժողովրդի մեջ եք: Ձեզ լսում են և հավատում, դուք կամենում եք խախտել ժողովրդի անվստահությունը իր ուժերի նկատմամբ, կամենում եք բացատրել նրա տառապանքների բուն իմաստը, որը նա կրում է և զգում, սակայն որը չի հասկանում: Դուք կամենում եք ցույց տալ նրա իսկական թշնամիներին, շարիքի իսկական պատ-

17 «Աշխատանք—Труд», 1830, № 5:

18 Ֆ. Տեր-Մկրտիսեղեկյան, Նվեր քյասիբ գեղըցիներին, էջ 44—45:

19 ՎԱԲ, Վ. Միրաքյանի ֆոնդ, գ. 183, էջ 121:

20 Նույն տեղում, էջ 17:

Ճառը... Ինչի մասին և ինչպես պետք է դուք նրան այդ ասեր: Դուք ցույց տվեք այն հիվանդությունները, որոնք կործանում են նրան: Ցույց տվեք նրա զավակների մահացությունը, նրա կյանքի տևողության բռնի կրճատումը, նրա ուժասպառումը, նրան սպառնացող վերասերումը: Դուք բացատրեք նրան, որ այդ շարիքը նրան բնության օրենքը չէ ուղարկել, որ նրա կողքի հարուստները հազվադեպ են հիվանդանում, որ նրանց երեխաները ավելի էրկար են ապրում, որ նրանց կյանքի միջին տևողությունը ավելի երկար է, որ նրանց սերունդն ունի լավ ապագա, որ այդ շարիքը ծնող պատճառները բնկած են հասարակական պարագաների մեջ, հասարակական պայմաններում և հասարակական անարդարությունների մեջ»²¹:

Տեր-Մելքիսեդեկյանը իր գրքույկում առաջնորդվում էր նարոդնիկության վերոհիշյալ տեսությամբ և ցույց տալիս, որ գյուղացու ուժասպառության և նրա զավակների մահացության պատճառները թաքնված են նրա տնտեսական անզորության մեջ²²: Գյուղացիներին հասկանալի լեզվով հեղինակը մերկացրել է նրանց ծանր վիճակը, միաժամանակ նշելով, որ «մի սիրուն օր, երբ ձեր որդկերանց աչքն էլ իմ աչքի պես կբացվեն ու կտեսնեն քյասիբ գեղըցիների լուռ ու թաքուն քյասիբությունն ու ցավերը, էն վախտն նրանք էլ կցավեն քյասիբ մարդկության, նրանք էլ կաշխատեն կարելության շափ շափավորել գեղըցիների խղճալի վիճակը»²³: Այս գրքույկում Տեր-Մելքիսեդեկյանը ոչ միայն դրսևորել է իր ատելությունը «քյասիբ» գյուղացիներին թալանողների հանդեպ, այլև պայքարի է կոչել «անիրավ բուրժուի» դեմ:

Քյասիբ գեղցի մինչև ե՞րբ պիտի դու
լինես ճնշված անիրավ բուրժուից.
մինչև ե՞րբ խաբող սլուկների
բերանք պիտի ծծեն քո սուրբ արյունից»²⁴:

Ռուս նարոդնիկների նման Գ. Տեր-Մելքիսեդեկյանը սոցիալ-բաղադրական կյանքի բարեփոխությունները համարում էր ապագայի գործ, շնայած Վ. Միրաքյանի վկայությամբ նա շատ հաճախ ոգևորված ասում էր. «Շատ երկար չի քաշիլ: Կգա ժամանակ միապետական կառավարությունները կվերանան, ժողովրդական կառավարություններ կդառնան»²⁵:

Տեր-Մելքիսեդեկյանը իր հրապարակախոսական հոդվածներում և շաբաթաթերթում քննադատել է 1861 թ. ճորտատիրական իրավունքը վերացնող ռեֆորմը. «Ճորտատիրական կարգերի վերացման օրենսդրությունը,— գրում է նա,— որ պետք է բերեր իրավունքների օրինական համահավասարություն, ունեցավ ամեն տեսակ թերություններ, այդ պատճառով էլ ճորտատիրական ճնշող հետքերը գեռ բոլորովին չեն վերացել հասարակական կյանքի վրայից...»²⁶:

«Մշակի հարցի առթիվ» հոդվածում Տեր-Մելքիսեդեկյանը գրում է. «Ամեն աշխատանք, ինչպես ֆիզիկական կամ մտավոր զորության հայտնի

²¹ «Революционное народничество семидесятых годов XIX века», М., 1964, т. I, էջ 132:

²² Տե՛ս Գ. Տեր-Մելքիսեդեկյան, նվեր քյասիբ գեղըցիներին:

²³ Նույն տեղում, էջ 45:

²⁴ Նույն տեղում:

²⁵ ԳԱԹ, Վ. Միրաքյանի ֆոնդ, դ. 180, լջ 69:

²⁶ «Աշխատանք—Труд», 1880, № 5:

արդյունք, պիտի իր որքանության համաձայն վարձատրվի»²⁷։ Նա առաջ էր քաշում մանրբուրժուական ծրագրեր, պահում էր, որ պետք է, կատարելագործել «գյուղական ասոցիացիաների» տնայնագործական, ժողովրդական արդյունաբերությունը, այնպես անել, որ Անդրկովկասի հումքը էժան գնով չվաճառվի եվրոպացիներին։

Տեր-Մելքիսեդեկյանը ժողովրդին ծանր դրությունից հանելու հիմնական նկրդը տեսնում էր հողադործության մեջ։ «Այն կյանքի մեջ, անսպասելաբար կենդանաբար սկիզբներ պետք է մտցնի, որը խիստ կարևոր բան է մեր ժողովրդի համար, որ կարոտ է իր փորն ապահովեցնելու նրան սպառնացող ընդհանուր սովառանջությունից ու թե տերության համար, որ իր ապրելու միջոցները ձեռք է բերում նույն իսկ ժողովրդից»²⁸։ Այս միտքը որոշակիորեն լիցքավորված է Մ. Նալբանդյանի «Նրկրագործությունը որպես ուղիղ ճանապարհ» աշխատությունից։

1870—1879 թթ. Տեր-Մելքիսեդեկյանը իբրև նարոդնիկ-պրոպագանդիստ Նիկոլաևսկուի նահանգում և Շուլավերում դառնում է «մշակ քյասիբ գեղացիների» շահերի պաշտպանը։ Մակայն դասակարգային այդ պայքարում նա պարտություն է կրում։

Նրա դեմ պայքարը առանձնապես սուր բնույթ է ստանում Շուլավերում (1876—1879)։ Այստեղ Տեր-Մելքիսեդեկյանը հանդում է այն ճիշտ եղրտկացություն, թե անհատ մարդկանց ջանքերով հաջողության չի կարելի հասնել, այլ պետք է ժողովրդին գաղափարապես հասունացնել և հանել ընդհանուր պայքարի։ «Մշակները աղքատ են, մշակներն իրենք են մեղավոր, որ կաղմված լինելով ամբողջ միլիոնավոր հոգիներից, ապրում են ամեն միներ իր անձնական կյանքով, որտեղից և առաջանում է նրանց ներքին թուլությունը և չեն համախմբվում, միավորվում գործակից և համաժողով ընկերությունների տեսակով, որ չեն կաղմում այդպիսով մեծ կենտրոնական մշտական ուժ, կարի նշանավոր իր գործնական հետևանքներով...»²⁹։

Տեր-Մելքիսեդեկյանը Անդրկովկասի նարոդնիկների, այդ թվում և հայ նարոդնիկների նման ցանկանում էր մուսաստանում գոյություն ունեցող հողօգտագործման համայնական կարգը մտցնել նաև Անդրկովկասում ու աստեղծել «գյուղական ասոցիացիա», «ապրանքային պահեստներ», «հացի հասարակական խանութներ»՝ հավասարության սկզբունքով³⁰։ Նա գյուղացիներին համոզում էր, որ նրանք միավորվեն, համայնական ձեռնարկումներ անցկացնեն գյուղում, գյուղատնտեսական մեքենաներ գնեն, կատարելագործեն երկրագործությունը, Ծվրոպայի առաջավոր երկրների նման, նրանց օրինակով և այլն³¹։

Տեր-Մելքիսեդեկյանի գործունեությունը իր դեմ էր հանում դյուղի հարուստներին և հոգևորականներին, որոնք բազմաթիվ բողոքներ էին գրում նրա դեմ, անվանելով խռովարար, աթեիստ։ Նրանց հաջողվում է փակել տալ Շուլավերում Տեր-Մելքիսեդեկյանի հիմնած դպրոցը։ «Ոստիկան պրիստավը քնած չէր. նա ընթացք տվեց իր մտերիմ աղալարների խնդրագրերին և տեղե-

27 Նույն տեղում, № 4։

28 Նույն տեղում։

29 Նույն տեղում. 1881, № 7։

30 Տե՛ս Յ. Շվեյնիձե, Содружество русских и грузинских революционных националов, «Вопросы истории», 1957, № 12, էջ 126։

31 Գ. Տեր-Մելքիսեդեկյան, Նվեր քյասիբ գեղացիներին, էջ 65։

կույթուն ուղարկեց գավառապետին՝ պրուդոնիստ Գրիգորի վնասակար քարոզների մասին: Մի օր ղինված մտան Երեմի դուքանը, դուրս հանեցին պրուդոնիստին (Գրիգորին), շորերը-մորերը շալակը տվին, գցեցին ձիերի առաջ և ոտով հասցրին Թիֆլիս...»³²:

Տեր-Մելքիսեդեկյանը գիտակցում էր նաև իր գործունեության ու գործադրած մեթոդների թույլ կողմերը, այն, որ ինքը անուժ է փորձնականում օգնելու գյուղացիությանը՝ գյուղը սոցիալական վերափոխման ենթարկելու: «Հասարակաց գործը անաշու քննության տակ ձգելով, մենք ատեցինք միանգամայն գեղըցիներին անխղճմտանք կերպով հարստահարող, ծծող իշխաններին, անարժան հոգևորականներին»³³: Սակայն իր իսկ խոստովանությամբ «հարուստ հայերի և տեղական տերտերների շարունակ գրգռումից» ձախողվում էր նրա գործունեությունը գյուղում:

Տեր-Մելքիսեդեկյանը ձգտում էր պայքարի ավելի լայն ասպարեղի: Իսկ դա կլիներ, նրա կարծիքով, ղեմկրատական մամուլի ստեղծման և հրատարակման միջոցով, որի համար էլ երկար տարիներ դիմում էր համապատասխան հիմնարկներին: Սակայն նրա երազանքը իրականացավ միայն 1879 թ. աշնանը: Նա ստացավ թերթ հրատարակելու թույլտվություն: Ժամանակակիցները պատմում են, որ նա ուրախությունից ցույց էր տալիս խմբագրական կնիքը, ասելով. «Ես իմ վերջին հին սյուրտուկս ծախելով, բյասիբ գեղըցիների և խեղճ աշխատավորների աշխատանքի իրավունքներն եմ պաշտպանելու իմ «Աշխատանք» թերթում ընդդեմ բոլոր ճնշողների, թշնամիների»³⁴:

Տեր-Մելքիսեդեկյանը ուսու նարոդնիկների նման մտավորականությանը կարևոր դեր էր վերապահում և մեծ պահանջներ էր դնում նրանց կողմից ղեկավարվող առաջավոր մամուլի, թատրոնի, գրականության առջև: Դեռևս 1878 թ. նա «Մեր հիմնկվան լրագրերը» գրքույկում պարզաբանել է իր հայացքները Կովկասում եղած պարբերական մամուլի ուղղությունների վերաբերյալ, սուր քննադատության ենթարկելով իր ժամանակաշրջանի հայ հասարակական մտքի ինչպես պահպանողական-կղերական, այնպես էլ լիբերալ-բուրժուական ուղղությունները: Մասնավորապես «Մեղու Հայաստանի» պարբերականի մասին գրում է. «Հին կարգերի պահպանումը կաղմում էր նրա ոգին և իրենց փթած գոյության շարունակման գործնական միակ միջոցը— նա ավելի անշարժ է, քան Չինաստանի հայտնի պատերը»³⁵:

Տեր-Մելքիսեդեկյանը քննադատում էր նաև «Մշակ» թերթի ուղղությունը: Նա առաջ էր քաշում այնպիսի մամուլ ստեղծելու հարցը, որը հրապարակայնորեն կպահպաներ շրավոր գյուղացու, ժողովրդի իրավունքը «առանց երեսպաշտության, դիմակավորվածության»: Գոյություն ունեցող պահպանողական լիբերալ մամուլի գործիչներին նա համարում էր ճարպիկ լարախաղացներ, որոնք հասարակության վրա ազդում են ավելի արտաքին փայլով, քան ներքին լուրջ արժանապատվությամբ: «Տեր աստված, ինչքան տեսակ ճիճուներ կտեսնենք, որոնք թաք են կացած, բոլորն էլ հասարակաց արյունը ծծելու համար: Ինչպես ճարպկությունով շինած սարքած է հասարակաց արյուն-

32 ԳԱԹ, Վ. Միրաբյանի ֆոնդ, դ. 183, էջ 25:

33 Գ. Տեր-Մելքիսեդեկյան, Նվեր քյասիբ գեղըցիներին, էջ 22:

34 ԳԱԹ, Վ. Միրաբյանի ֆոնդ, դ. 180, էջ 67—68:

35 Գ. Տեր-Մելքիսեդեկյան, Մեր Կովկասի հիմնկվան լրագրերը, Թիֆլիս, 1876, էջ 2:

ծծությունն, ինչպես, վերջապես դժվար և վտանգավոր բան է ճշմարտասեր գրչի համար տալ էդ բոլոր կեղտոտ տեսարանները, էնպես որ ձմթնացվի տպավորությունների և մեղադրանքների պարզությունն ու ամբողջությունը»³⁵։

Տեր-Մելքիսեդեկյանը 1880 թ. «Աշխատանք—Труд» թերթի «Մամուլի գործունեությունը» խորագրով առաջնորդողում գրում էր. «Ում կամ ինչ բանի մեղադրել, որ վաճառականությունը մեղանում անշարժ դրության մեջ է ընկած, որ միմիայն օտարներն են մեր բնական բերքերից օգուտ քաղում, որ գեղըցիների աշխատանքը արդյունաբերող աշխատանք չէ, որ մշակների աշխատանքը քաղաքների մեջ բավականաչափ կերպով չի վարձատրվում, որ վարդափալ իրիտասարդական հասակները դեռ շատ կանխաժամանակյա կերպով փոխարկվում, դառնում են հաղիվ-հալ շարժվող կմախքներ, փաթաթված, դեղնացած մարմնակաշվով, որ աղնիվ հասարակական գործունեությունը մեռնում, անհետանում է մեղանում խիստ կանխաժամանակյա կերպով շատ անգամ դեռ իր սկզբնական սաղմի մեջ, որ կնոջ հասարակական դերը դեռ չի որոշված մեր մեջ, դեռ չի ստացած իր վերջնական սահմանադրությունը, որ մեղանում չկան առհասարակ այն վարդազեղ մանկավարժական սկզբունքները, որ մարդկանցից պատրաստում է ոչ թե անգերազանցապես շարժվող մեքենաների նմանություններ, այլ աշխարհի իսկական քաղաքացիներ՝ ազնիվ քաղափարներ ծնելու և նրանց ազատ մտածելու համար...»³⁷։

Հրապարակախոսի այս մտքերը կասկած չեն հարուցում նրա արդեն լիբերալ-նարոդնիկական համոզմունքների նկատմամբ, թեև նրա ոչ բոլոր մտքերն ու հարցադրումներն են հստակ։ Ըստ Տեր-Մելքիսեդեկյանի, հասարակական առաջընթացի ուղին ուսման և գիտության ճանապարհն է. նա չի կարողանում տալ սոցիալական անհավասարության վերացման ճիշտ ուղին, չնայած իր առաջ քաշած համադեմոկրատական պահանջներին և միջոցառումներին։

«Թատրոնական հայացք» հոդվածում նա մեծ խնդիր է դնում թատրոնի առջև՝ պահանջելով այն ծառայեցնել ժողովրդի շահերին։ Թատրոնի միջոցով պետք է վեր հանվեն «ժողովրդի ցավերը, նեղությունները, ցավազար կողմերը, նրա հետ միասին՝ միջոցներ այդ ցավերը բժշկելու»։ Միայն այդ ժամանակ ժողովուրդը շուտ-շուտ թատրոն կգնա, «որովհետև հասարակությունը այն ժամանակ թատրոնի մեջ, ինչպես հայելիի մեջ պարզ ու ճարտարապետական կերպի կտեսնի իր բոլոր բարոյական ունեությունը ու խեղճության զրկավոր պատճառները»³⁸։

Տեր-Մելքիսեդեկյանը պրոպագանդիստական աշխատանքի ժամանակ քարոզում էր այն միտքը, որ «եկեղեցի, աստված, կրոն, սուրբ, այդ բոլորը կվերանան. պետք է վերանա միապետությունը, դրամը և պետք է լինի ժողովրդական կառավարություն»³⁹։

Նա առաջարկում էր գործնական գիտելիքներ տարածել ժողովրդի մեջ՝ քիմիա, ֆիզիկա, երկրագործություն, բժշկական տեղեկություններ և այլն⁴⁰։

³⁶ Նույն տեղում, էջ 5—9։

³⁷ «Աշխատանք—Труд», 1880, № 5։

³⁸ Նույն տեղում, № 2։

³⁹ ԳԼԹ, Վ. Միրաքյանի ֆոնդ, գ. 180, էջ 118։

⁴⁰ Պ. Տեր-Մելքիսեդեկյան, Մի համառոտ հայացք XIX դարի հայ հոգևորականության վրա, Թիֆլիս, 1884, էջ 13—15։

Գ. Տեր-Մելքիսեդեկյանի մոտ երևան են եկել նաև ռուսական նարոդնիկության բնորոշ սխալները: Նա նույնպես հստակ պատկերացում չունեի հասարակության զարգացման օրենքների մասին: Տեր-Մելքիսեդեկյանի հայացքները գոյություն ունեցող զանազան սխտեմների էկլեկտիկ մի խառնուրդ են: Նա ռուս նարոդնիկների սուբյեկտիվ իդեալիզմից և պոզիտիվիզմից այն կողմ չանցավ: Քաղաքատնտեսության մի շարք հարցերում նա տուրք է տվել բուրժուական գոեհիկ գաղափարախոսությանը, իսկ նրա սոցիալիզմը մնաց որպես լավ երազանք:

Վ. Ի. Լենինը, բնութագրելով նարոդնիկական սոցիալիզմը, գրել է. «Րուսկանում Գերցենի այդ ուսմունքի մեջ, ինչպես նաև ռուսական ամբողջ նարոդնիկության մեջ ընդհուպ մինչև այժմյան «սոցիալիստ-հեղափոխականների» խունացած նարոդնիկությունը սոցիալիզմի նշույլ անգամ չկա: Դա նույնպիսի բարեհոգի ֆրադ է, նույնպիսի բարի երազանք, որը զգեստավորում է բուրժուական գյուղացիական դեմոկրատիայի հեղափոխությունը Ռուսաստանում...»⁴¹:

Մելքիսեդեկյանին խորթ էր նաև ազգային սահմանափակվածությունը. «Ծն մարդ եմ, ապրում եմ մարդկության համար»,— ասում էր նա և իր գործունեության ընթացքում քարոզում էր ազգերի համերաշխություն. «Իմ ուսումնարանը կրնդունի իր մեջ ամեն դասակարգի, ամեն ազգի որդիք, որովհետև բոլորս էլ հրեկերներ ենք, որ պետք է հրեկերական կյանքի մեջ ման գանք, փնտրենք մեր ուրախությունը»⁴²:

Հայ ժողովրդի ազգային ազատագրության հարցը, որ հանդիսանում էր հայ նարոդնիկների գործունեության առանձնահատկություններից մեկը, զբաղեցրել է նաև Տեր-Մելքիսեդեկյանին: Նա գտնում էր, որ ազատություն պետք է ձեռք բերել զենքի ուժով⁴³:

1877—1878 թթ. ռուս-թուրքական պատերազմը, Սան-Ստեֆանոյի դաշնագիրը և այլ միջազգային իրադարձություններ վերլուծելիս, հրապարակախոսո քննադատում է սուլթանական Թուրքիայի և Արևմտյան Եվրոպայի դիվանագիտությունը, կոնկրետ օրինակներով բացահայտում Արևմտյան Եվրոպայի երկրների և հատկապես Անգլիայի կեղծ քաղաքականությունը, որը «իբրև հանդես է գալիս հանուն մարդկության մեծ բնականիքի շահերի և քաղաքակրթության, նոր ճանապարհ է ցույց տալիս մարդկությանը, այնինչ ամեն մի քայլում թող է փշում մեր աչքերին»⁴⁴:

Տեր-Մելքիսեդեկյանը, ինչպես շատ նարոդնիկներ, իր գործունեության վերջին շրջանում հարեց լիբերալ հոսանքներին և ապրեց գաղափարական վայրէջք, որի վրա քիչ ներգործություն չունեցան նարոդովուցիների կրախը, ինչպես նաև այն ծանր պայմանները, որ ստեղծվել էին մարտիմեկյան դեպքերից հետո, հատկապես թերթի հրատարակության դեմ գրաքննության հարուցած արգելքները: «Աշխատանք—Труд» պարբերականը 1882 թ. մայիսի 5-ի վերջին համարում հայտարարում էր. «Ցավոք պիտի խոստովանեմ, որ անդրկովկասյան մամուլը չի վայելում լիապես արտոնությունից և իրավունքներից, որոնց տալիս է տպագրական գործի մասին սահմանված օրենքը:

41 Վ. Ի. Լենին, Երկեր, հատ. 21, Երևան, 1979, էջ 318:

42 Գ. Տեր-Մելքիսեդեկյան, Նվեր բյասիր գեղըցիներին, էջ 34—35:

43 «Աշխատանք—Труд», 1879, № 1:

44 Նույն տեղում, 1881, № 1:

Ամբողջ մամուլը փախչում էր գաղափարից, մտքից և զբաղվում առաժներով, փոխադարձ հաճոյախոսություններով կամ, վերջապես, հայտարարություններ անելով: Խմբագիրները, գրաքննական մասնաժողովի գանգատով, շատ անգամ նստում էին մեղադրյալների դատաստանական նստարանի վրա»⁴⁵: Այնուամենայնիվ Տեր-Մելքիսեդեկյանը չէր կարող լռության մատնել մարտիմեկյան դեպքերը: 1881 թ. ապրիլի 6-ին «Աշխատանք» շաբաթաթերթում «Հեռագրալուրեր» խորագրով առաջնորդողում նա տալիս է նարոդովոլցիների դատավարության ընթացքը (մարտի 26, 28, 29) և դատավճիռը. այստեղ չկա մեկնաբանություն: Նա հանդես է գալիս սոսկ արձանագրողի դերում, իսկ նույն թվականի «Աշխատանք—Труд»-ի դարձյալ ապրիլի 6-ի և մայիսի 2-ի համարներում արդեն մեկնաբանում է դեպքերը: Հրապարակախոսը դատապարտում էր նարոդովոլցիների տեռորի տակտիկան, իսկ մյուս կողմից՝ մեղադրում ինքնակալությանը, չնայած հեղափոխական շարժումներն անվանում էր «վտանգավոր խոցեր»⁴⁶:

Հանդես գալով որպես լիբերալ, Տեր-Մելքիսեդեկյանը արդարացնում է Ալեքսանդր II-ի բուրժուական ռեֆորմները. «Արդյո՞ք միապետներից որևէ մեկը ի վիճակի էր այդքան կարճ ժամանակամիջոցում ավելին անել: Արդյո՞ք հնարավոր է, ով էլ նա լինի, միանգամից կախարդանքով խարխուլել ուս ժողովրդի մեջ հարյուրամյակների ընթացքում կուտակված նախապաշարմունքները»⁴⁷: Նույն հոգվածում պատասխանելով «ГОЛОС»-ի 69-րդ համարում՝ միջազգային իրավունքի գիտության ներկայացուցիչ Մարտեսի առաջադրած միջոցառումներին, որով նա պահանջում էր «պետական հանցագործներին» միջազգային մասշտաբով զրկել ապաստարանից, «Աշխատանք—Труд»-ը առարկում է, ասելով. «Ռուսաստանում հեղափոխությունը բոլորովին էլ միջազգային չէ, այլ այն Ռուսաստանի համար պետական-սոցիալական հարց է և այն պետք է լուծվի պետական, սոցիալական եղանակով»⁴⁸:

Տեր-Մելքիսեդեկյանը հանդես է գալիս որպես ռեֆորմների կողմնակից: Նրա առաջադրած պահանջներն էին. ընդարձակել տարրական, միջնակարգ և բարձրագույն ուսումնական հաստատությունների ցանցը: Մեռած կլասիկ լեզուների փոխարեն մտցնել ռեալ տեխնիկական գիտություններ: Դատարանը անկախացնել պետությունից: Օրենսգրքերը վերանայել ժողովրդի պահանջներին համապատասխան: Խրախուսել ժողովրդի ինքնուրույնությունն ու նախաձեռնությունը: Արդյունաբերությունը, հողագործությունը, արվեստը կազմակերպել գիտական նորությունների հիման վրա: Պահպանել արդար աշխատանքի իրավունքը: Սահմանել խոսքի և մամուլի վրա ռեալ հսկողություն: Վերջ տալ չինովնիկների շարաշահումներին, նրանց մի մասին փոխարինել նոր, գործունյա աշխատողներով և այլն⁴⁹: Ահա այն բարեփոխությունները որոնցով նա խորհուրդ էր տալիս ազատել Ռուսաստանը վերահաս հեղափոխությունից: Այստեղ որոշակիորեն զգացվում է լիբերալիզմի շունչը և այն վերասերումը, որ ապրել է Գ. Տեր-Մելքիսեդեկյանը: 1882 թ. մայիսի 2-ի

45 Նույն տեղում, 1882, № 1:

46 Նույն տեղում, 1881, № 1:

47 Նույն տեղում:

48 Նույն տեղում:

49 Նույն տեղում, № 2:

«Աշխատանք—Труд»-ի վերջին համարում նման մի շարք սոցիալ-տնտեսական բարեփոխությունների պահանջ է դրվում նաև Անդրկովկասի համար:

Վ. Ի. Լենինը հեղափոխական նարոդնիկությունից դեպի լիբերալիզմն անցման էությունն է նկատի ունեցել, երբ գրել է. «Քաղաքական մի ծրագրից, որ նպատակ ուներ ոտքի հանել գյուղացիությունը սոցիալիստական հեղափոխություն կատարելու ընդդեմ ժամանակակից հասարակության հիմքերի, ծնվեց մի ծրագիր, որի նպատակն է կարկատել, «քարելավել» գյուղացիության դրությունը՝ պահպանելով ժամանակակից հասարակության հիմքերը»⁵⁰, Վ. Ի. Լենինի այս միտքը վերաբերում է նաև Գ. Տեր-Մելիքսեդեկյանին:

К ВОПРОСУ О НАРОДНИЧЕСКИХ ВЗГЛЯДАХ
ГРИГОРА ТЕР-МЕЛКИСЕДЕКЯНА

Г. Г. ГЕВОНДЯН

(Резюме)

Одним из видных участников закавказского народнического движения был педагог и публицист Григор Тер-Мелкиседекян. Он призывал крестьянство к социальной борьбе, стремился с помощью крестьянской общины создать народное государство, упразднить частную собственность, преградить капитализму путь в армянскую и грузинскую деревню. Однако в последние годы жизни Тер-Мелкиседекян, как и многие русские народники, отрекся от пропаганды политической борьбы и стал либералом, сторонником реформ.

⁵⁰ Վ. Ի. Լենին, *Երկեր, հատ. 1, Երևան, 1974, էջ 327—328*: